

# UMO MULI MILLIONI IMO



Nakutotela, munyina. Nakutotela, Munyina Shakarian.

Kabili mwashibukeni, ba cibusa. Icine cine cisuma nganshi ukuba kuno muno Los Angeles nakabili muno lucelo, mukubangilila kwa uno musonkano ukalamba, kabili nemisonkano ikakonkapo iya muli uyu mulungu ukakonkapo palya pa Embassy Hotel. Ndeenekela ukumona imwe bonse kulya kwine. Kabili bonse tuli pe samba lya kwenekela kukalamba ukuku manya Shikulu Yesu, ukuma mona Ena kulya kwine. Alilaya Ukubako, “ponse apo babili nangu batatu balongana capamo,” Ali nokubapo palya.

<sup>2</sup> Kabili Ninshininkisha ukuti Nimukumanya Ena muli luno lucelo ilyo Nacilanina ama stepu ukwisa muno mu cikulwa cikalamba, lintu abantu abengi bali nokwenekela ukukalamba, balelolela umwikulo no kulanda. Kabili cisuma ukulongana pano pamo naimwe, kabili nakwibumba lilekutika ku cilimba. Muli abengi nganshi muno, bena bali. . . Naciya mu mumuputule umbi uwakonkapo, kabili no kulanda ku banono. Kabili nimona ifyo kwipusha mu mapepo ifingi, ubwafya bwa mutima, amalwele ayapusana pusana aya mibili yabo, kabili tuli pano ukupepelako abalwele nabale cula.

<sup>3</sup> Icofye Nacinina pa muulu wa stepu. . . Nacilafwaya shimucindikwa mukalamba. Aishile kuli ine, nokutiila, “Munyina Branham, imya yapitapo. . .” Atiile alikwete ubwafya bwa mutima ubwabipisha icakuti ena. . . batontonkenye ukuti aali nokufwa. Kabili nali mupepeleko, kabili ukusenamina kwakwa Lesa kwali mundepe. Kabili aali pano muno lucelo, aleya alekwanisha imyaka amakumi cine konse-konse, alesangalalafye. Eico ico cilelulenga ukukwata ukwikatilila ukupya.

<sup>4</sup> Kabili nombamba cine cine Ndelomba amapepo kwibumba lileumfwa pacilimba, cimo cine nga kuno. Panuma Ine ukufuma kuli kuno kulongana, Nkaya ku Europe, mu Africa no kushinguluka, pamisonao. Neci kukonkana ne cimonwa, eico ukaba musonkano uukalamba kulya, Ni nshininkisha. Kabili pamyaka iingi Naba uumfwa ukuti Shikulu alefwaya ine ukubwela. Uibunono ubwaicefya, ubupyunginshi ubwaicefya buntu Ena apele kuli ine, Nshile tontonkanya Ena ukuti ali pwisha nabo nombamba, kulya. Cilemoneka kwati kuti kwaba umweo ukuntu kumo untu Ningekata mwi sumbu lya Mbila nsuma, lintu Ena ampela ukwikatilako abantu, munshila ya bundapishi bwa Bulesa, ukupepela abalwele. Kabili cine cine Ndelomba amapepo yenu, konse kuli imwe bantu muno na balya kunse mwi bumba lileumfwa pacilimba.

<sup>5</sup> Nshikwete inshita ku buulafye isambililo noku shimikila, icintu Ine ndeenekela panuma yama mineti yanono pano muli—muli...cino cikulwa icikalamba, lelo ukulandafye kuli—kuli imwe inshita ishinono, ukuti twishibane. Kabili ku bantu kunse mu calo, Nalapepelako bonse kulya abali kunse, ili line, naimwe mwebali pano pamo. Kabili icine cine Ndi uwa nsansa uku kumanya ifi fyonse ifibusa ifisuma ifipya fintu Ine nshatala kumanyapo, nakumanafye nabo muno lucelo.

<sup>6</sup> Twali ne nshita ishikankala mu kulongana mu ncende shimbi. Nshifumapo ilingi nomba, kuli ukupamfiwa nganshi. Tule eshafye ukukafya umusebo pakati ka Jeffersonville, Indiana na Tucson, Arizona, uko twakukiile imyaka inono yapitapo, ku cimonwa cakwa Shikulu, uwatutumine kulya, nako, ukwabula ukwishiba kuntu Naleya. Kabili abengi muli imwe muno, pa Clifton, Ine nalandile kuli imwe panono ilyo Nshilati ukuya, na pa musonkano yapa Phoenix, palwa cimonwa ico icaishile. Namwene ba Malaika cine lubali mwi bumba.

<sup>7</sup> Kabili Ninjishiba, kwi bumba lileumfea pacilimba, limbi imwe mwebengi tamuli umupwilapo aba Mbila nsuma, kabili ici kuti caba panono iceni kuli imwe. Ico, kuti caba nakuli ine, lelo kuli...Uuli onse kuti alondolola icili conse, tufwile ukucipokelela ukupitila mucicetekelo. Fintu ifyo teti tulondolole, lelo tufwile ukufipokelela neci cetekelo. Teti tulondolole Lesa. Takuli muntu enga londolola Lesa. Ena aba umuntungwa, kabili Mukalamba kabili uwamaka. Ifwe fye—ifwe fye tufwile ukucipokelela cena pantu twalishiba ukuti Eko aba. Kabili nomba ukupitila mu cicetekelo cesu, mu kucipokelela, Ena abwasha ubwasuko kuli ifwe, u lubatisho lwa Mupashi wa Mushilo.

<sup>8</sup> Ico, Ine nalalandapo kuli imwe, mu nshita inono pano, palwa, nshila, “yakwa Lesa” nangu, “incende ya ku pepelapo.” Kabili incendefye imo iyo mwinga mupepelamo Ena, incendefye imo Ena enga miku maninishapo, kufwile kwaba...Kwaba i Chalichi cimo, incende imo, inshita imo, abantu bamo, muli bonse abo Lesa akumanya. Kabili Ndesubila ukuti Shikulu alapala i Mbila ku mitima yenu muno.

<sup>9</sup> Nomba, ukwisa ku Tucson, cali iceni, ifyo ifimonwa ukulanda kuli imwe mwi Shina lyakwa Shikulu. Tapali nangu cimo pali fyene ngafintu Ninge bukisha, kuti twaipusha uuli onse ngacakuti kuti baibukisha inshita iili yonse, ukuti Ena alandile icili conse lelo kanofye ico icali i Cine. Cena lyonse cicitikafye munshila Alandilamo ukutiila cili nokucitika.

<sup>10</sup> Kabili Ena afwile, umwabela Amalemo, ukubwela kuli ifwe muli shino nshiku sha kulekelesha, muli uyu musango wa bupyangishi. Ico cili nokuba panuma ya lubatisho lwa Mupashi, no kulandila mu ndimi, no bundapishi Bwamaka yakwa lesa, na fimbipo, ifi fintu. Ukufimba kwa mbila yaba Pentecosti pa

muulu e cintu tulelandapo ileelo. Ubu bupyungishi bwakwa Kristu Umwine palwakwe ukupasanishiwa pa bantu Bakwe, ne fintu fimo fine fintu Acitile lintu Ali pano pe sonde; mu Mubili Wakwe, Nabwinga, uuli iciputulwa Cakwe, ukucita ifintu fimofine, ngo Mulume no Mukashi, nangu Imfumu na Namfumu, ilyo takulaba ukusefya kwa Cupo.

<sup>11</sup> Uno mulungu, Shikulu nga atemwa, Ndekabila ukulanda fimo pali ico, kunse mu kusabankanya kwesu kuno, pa—pa Embassy Hotel, no kwesha ukubelela munshila yandi iyaku icefya iya ku cicitilamo cena. I—inshita ne nsa intu tule ikalilamo, ngacakuti umuntu teshibe inshila ya kwendelamo, ifya kucita nangu ifya kupilibuka, iwe taule—iwe taule endela mu cicetekelo nakabili; iwe uletwishikafye, ulesubila. Kabili *ukusubila* e ku—ku “twalilila ukwabula insambu sha suminishiwa.” Eico nga tatukwete amaka yene yane ayasuminishiwa ukwishiba fintu Lesa alanda ifili nokucitika muli ino nshita, ni munshilanshi ifwe tuli noku kumanishishamo iyi nshita? Kabili tufwile twalolenkana naco, ukwishiba, ukupitila mucicetekelo mu Cebo Cakwe, ifintu ifyo fifwile ukucitika nomba, ne mibele ya nko, imibele ya bantu, imibele ya chalichi, na fimbipo.

<sup>12</sup> Tufwile ukwishiba ico, kabili nomba nefya kufuma nokukumanya cena. Ngacakuti tawishibe ifya kuciteco, iwe ulifye—fintu fye twaleita, ukuba ica musango wa, kukana tantikwa bwino; uku tolokelamofye, ukusubila cene ukubamo, ukusubila *ici* no kusubila *cilya*, na “bushe cikaba?” Lelo Lesa talefwaya ifwe ukucite co. Ena alefwaya ifwe ukwishiba fintu Ena asosa palwa bunu bushiku, lyena noku cikumanya ku cicetekelo, pantu Ena asosele cena ukuba ifyo. Nomba ifwe—ifwe twalishiba ukuti niwe Icine, pantu tawakwata amashiwi ya muntu umo palwa ico; ukwete i Cebo Cakwe pafyo tufwile ukucita. Kabili tulesubila ukuti Taata wesu uwa mu Muulu aali— aali no kufikilisha ici kuli ifwe muli uno mulungu.

<sup>13</sup> Nomba, Munjeleleko ico Naciputula, pafyo Nacilalandapo inshita inono yapitapo, palwa kwisa ku Tucson. Kabili Nacintonkenya, nemwine, ukuti yena empela ya mweo wandi. Natontonkenye ukuti uwingeminina kuli kulya ukufwa kwa mutombo kwa ilya mibele ya citike muli cilya cimonwa lulya lucelo, mupepi na teni koloko pa ng’anda, abo abengaba no mweo panuma ya cilya. Umulandu, Naishile ku Tucson, kupekanya ifya kucita pamo nomwana wandi, umukashi wandi na—na bana ukuya pamo nankwe panuma Ninsendwa, pantu Natontonkenye ukuti eyali impela yandi. Kabili Ine, mu Phoenix ne misonkano iingi lintu tacilacitika, Ine nali mwebele ifyo fye cili nokucitika.

<sup>14</sup> Ukuba, panuma ya myeshi inono ukutule lyo, Ine nali pamuulu mu Sabino Canyon ulucelo lumo, i cilifye niku kapinda kaku kuso kwa Tucson. Nali kulya ku kupepa. Kabili ilyo Nale

pepa, Naimishe ukuboko kwandi mu lwelele, natiile, “Taata, Na Mulomba ukuti Imwe munshila imo mwalangafwa, mpeleni amaka, pa nshita intu Ine ndekumana nayo nomba. Kabili ngacakuti umulimo wandi naupwa pano isonde, lyena Mfwile ukwisa kuli Imwe. Kabili tekuti Ndeumfwa ububi ukwisa, lelo Ninjishiba ukuti Imwe mukasunga ulupwa lwandi. Kabili Ine—Ine ndelombafye amaka pali ino nshita.” Nacimo capumine mu minwe yandi!

<sup>15</sup> Nomba, mwebumba lilekutika pa cilimba, cintu Nalanda cena kuti namoneka iceni, lelo cena ecine. Na Lesa Ekapingula wandi.

<sup>16</sup> Naloleshe mu minwe yandi, namo mwali ulupanga, cakwete cakwingishamo pamuulu wa cakwikatilako. Kabili ica kwikatilako cine capangilwe ica margariti, kabili icakucingilila ku cikatilo calemoneka kwati ca golide. Kabili no—no mwele uwine walemoneka kwati untu wabengeshima, oh, icintu cimo nge cela cafitulukila nangu icintu cimo icalebengeshima mu kasuba.

<sup>17</sup> Nomba, cali nalimo teni nangu lebeni koloko mu lucelo, palya pamuulu wa lupili. Imwe kuti mwaelenganya fintu umuntu (uleyumfwa ukuti Ine ndi mu mano Yandi aya lungama) engomfwa ukwiminina palya no lupanga ukutula nelyo kumo, abantu bali bamailoshi naba mailoshi, ukwikateco mu minwe yobe. Ine nacumfwile, nalubulile noku sunsha umupeni kunuma na kuntanshi, kabili, cinshi, lwena lwali lupanga.

<sup>18</sup> Kabili Naloleshe ukushinguluka. Natiile, “Ukuba, nomba, kuti cacitika shani ico? Pano Ninjiminina, pano, pene, elyo tapali nelyo umo bamailoshi na bamailoshi, elyo nikwi kuntu ici cacifuma?” Kabili Natiile, “Ukuba, Nde—Nde tunganya limbi cena ni—ni Shikulu alenjeba ukuti ni nshita yandi iya ku mpela.”

Ne Shiwi lyalandile no kutiila, “Ulu Lupanga lwakwa Shikulu.”

<sup>19</sup> Kabili Natontonkenye, “Ukuba, ulupanga, nomba lwena lwa. . . luli kwati lwa mfumu, ku mushilika wapali kabalwe,” namwishiba, fintu caleba mu England ne ncende shapusana pusana. Ine natontonkenye ukuti, “Ifyo efyo lubomba, ku mushilika wapali kabalwe.” Kabili Natontonkenye, “Ukuba, limbi Mfwile ukubika amaboko pa bantu, nangu. . .” Ine nali nafyonse ifya misango namisango. . . Amano ya muntu kuti yonse yakasabana, namwishiba. Imwe tamwishibe. Amano yesu ya cimpelesha; Ayakwe tayaba ne mpela. Eico, kabili ngafintu Nali, cene. . . Nomba lwa fumine mu kuboko kwandi kabili Nshaishibe na kuntu lwaile, lwalubilefye. Mulandu nshi, nga cakuti umuntu takutlwike nelyo panono palwa fintu fya mupashi, iwe—iwe kuti waya fulungana kwati ngefyo. Kuti waiminina palya, ulesunguka pacacitike.

20 Kabili Ena atiile, “Icimonwa te mpela ya nshita yobe. Cena ca bupyungishi bobo. Lulya Lupanga e Cebo. I Fikakatikilo Cinelubali fili no kwisulwa, ifyankama fya . . .”

21 Kabili nomba imilungu ibili panuma ya ico, nangu imyeshi ibili, nakuba, panuma ya ico, Nali pamuulu walupili pamo nebumba lya fibusa lintu cena cacitike. Bamalaika Cinelubali, bali monekefye bwino bwinofye ngefi fine pano, baishile panshi nge cipuupu ukufuma ku Muulu. Amabwe mumpili yafumine nokunkukulukila panshi ya mpili shinono, na—na bantu baiminine palya bale punda no kutwalilila, namwishiba, no lukungu ukwima konse. Kabili ilyo cali, Ena atiile, “Bwelela ku ng’anda kumobe. Nomba cili nokuba, cila umo Malaika ali nokuba umo uwa cila cikakatikilo ica Fikakatikilo Cinelubali.”

22 Ico, cena cili paali tepu. Kabili ibuuku lili no kufuma nombaline, lyena nomba lilepitulukwamo munshila namafunde yakulandilamo ululimi. Ngafintu mwaishiba, imilandile ya mashiwi yandi tayaba iisuma nganshi, kabili abantu tekuti . . . Mufwilefye imwe ukubafye abantu abantemwa kabili abaishiba ifya ku ng’umfwa mu milandile yandi. Lelo kasambilila wa fya mapepo umo ale nungamikilako, kabili alefumyamo fyonse ifi—ifi . . . Ukuba, limbi Na cilanda ishiwi ilyalubana palya. Nokwishiba nshishibe. Eico, Nacumfwa umuntu umo aleseka, eico Nacitunganya ukuti “imilandile” tayaciba iya lungama. Lelo kwati fintu umo umu Dutch alandile, munsendele fye muco Ndepilibula kabili te mucintu Ndelanda, limbi.

23 Kabili cilifye ama mineti yatatu nomba, Banjeba ukuti, eyashalako ku kwisala kwa butantiko.

24 Nomba, mwe bantu batemwikwa kunse kuncende yapa cilimba, na imwe mwebalwele na balekabila muno mwibumba, bushe kuti mwabika amaboko yenu pali cila umo no munankwe nomba ilyo twakwata ishiwi lyepepo ku balwele. Nomba, Yesu atiile, icakulekelesha Cakwe icakupela amaka ku Chalichi cakutiila, “Ifi ifishibilo fikakonka abo aba cetekela.” “Abo,” abo aba cetekela! “Ngacakutiila babika amaboko yabo pa balwele, bena bali nokupola.”

25 Mwebatemwikwa Taata wamu Muulu, ifwe tuli kwati bana ilelo, tulenakila fintu Imwe mwatwebele ukucita. Tule bika amaboko pali fyonse ifya kwipusha mu mapepo pali lamy. Imwe mulebamona kunse muncende mulya, fintu balekabila, nokucula. Mulemona abo muno abalekabila, nokucula. Naifwe tule batula kuli Imwe, Lesa watemwikwa, neci citetekelo mu Cebo Cenu cintu Imwe mwasosa, “Ifi fishibilo fika konka abo aba cetekela. Ngacakuti babika amaboko yabo pa balwele, bakapola.” Cifikilisheni ico, Shikulu, mwi Shina lyakwa Yesu Kristu. Amen. [Tapali amashiwi pali tepu—Kale.]

[Munyina Branham apwisha ukubilisha kwa kubalilapo ukwa pa mulabasa—Kale.]



<sup>26</sup> Natotela, Munyina Shakarian. Cena cili icine cine insambu ishikalamba ukubwela nakabili pa mulabasa, ku kulanda kuli bamo mu banensu kunse mu ncende shapa cilimba, pamo nabalipo muno.

<sup>27</sup> Kabili ifwe icine cine tuletantalisha ubu ubwite kuli imwe, ukwisa ku Embassy Hotel mailo mucungulo, ukwisa pepelwako. Kabili te ico ceka, lelo mukaleta abo abali ababembu naabo ababwelele numa. Ngacakuti twakwatafye amapepo ya balwele, kabili twamona Lesa aletwalilila ukucita ifisungusho ifikalamba, lelo ifyo fyapanuma. Icintu icikalamba kupusuka, ukwisushiwamo no Mupashi wakwa Lesa, uyo untu Nalalandapo kuli imwe munshita fye inono pano, no kufikapo pafyo ifwe tufwile ukwisushiwa no Mupashi wakwa Lesa.

<sup>28</sup> Kabili ubundapishi Bwabulesa ilingi line bucebusha abantu, no ku baleta mu Kusangwapo kwakwa Lesa. Lintu Lesa acita icintu cimo ico—ico bena beshibe tacili ico- . . . ukuba, cena ici shumfwikike. Ifwe tekuti tucite ku mubili ukulangisha ifyo cicitwa. Lesa acicita munshila ikalamba i Yakwe Umwine. Nomba ico ci cebusha abantu, ukwishiba ukuti kuli u Kusangwapo kwa Maka ku ncende imo, uko ukwinga cita icintu cimo ico abantu tabenga kutuluka, kabili ico cibalenga bena ukulolesha ku mwana wa Mpaanga uwakwa Lesa. Kabili lyonse, ubundapishi bwa Maka yabulesa, Ine banjeba, kabili Nalicetekela, palwandi, ukuti palwa pakati ka sikisite, limbi, na sebente pesenti, wa bupyungishi bwakwa Shikulu wesu, bwali pa bundapishi bwa Maka yabulesa. Kabili Acitile ico kuku cebusha abantu. Nomba lintu baba palya, Atille, “Kano imwe mwa cetekela Naba Ena, mukonaikila mu membu shenu.”

<sup>29</sup> Nomba, ubundapishi bwa Maka yabulesa citupa icikalamba icaku tinta, ukuleka abantu ukulolesha kuli Shikulu Yesu. Kabili Dokota F. F. Bosworth, ico abengi muli imwe mwaba, mwaba ba cibusa, kabili nalimwishibe, no bupyungishi bwakwe bwapilibwile apakalamba nganshi kuli ine nga kapyunga munono. Ine natampile mu misonkano yandi, elyo Naishile itumpa muli Munyina Bosworth. Ena alelanda ukuti, “ubundapishi bwa Maka yabulesa,” kwena kulanda ukunono ukwa kakata nomba, aletiila, “ubundapishi bwa Maka yabulesa bwena caambi ku ndobani ye sabi.” Aletila, “Taufwile walanga isabi indobani. Iwe kulilangisha lyena icaambi, kabili nomba lyena ku konka icaambi no kwikatwa ku ndobani.” Eico ico eco tuleesha ukucita. Ico ecesu. . . ifwe. . . Ukufwaya kwesu kutwala abantu kuli Shikulu Yesu Kristu. Kabili Aba cimo cine mailo, ileelo, no muyayaya. Eico ngacakuti Ena ali Kondapa mu nshiku shapitapo, Ena ni Kondapa ileelo.

<sup>30</sup> Ubunte bwandifye lintu Nshila pepela abalwele kunse muncende sha pamulabasa. Cali ni nshiku shinono shapitapo,

Nali ninjikala pamuulu mumpili uko icintu icikalamba cacitike ku finso fye ikumi nabasano nangu amakumi yabili aya ba bwananyina kulya, uko Malaika wakwa Shikulu aikile panshi, no Lubuuto lukalamba lwalepupuka kwati lutanda, lulelepauka ukushinguluka ukupita mu mpili, na mabwe yalepita pama fiiti imyanda ibiili, nangu ukucilapo, ukupita kulya, ukupitaula pa muulu wa fimuti. Kabili Nali iminine palya pene pesamba lya Luko. Kabili nali bebele imyeshi fye inono lintu tacilacitika, Cena cili nokuba kulya ne cali nokucitika; mucine, cena calandilwe ilyo ubushiku tabulafika. Kabili nabantu bonse balebutuka ukuya mwisamba lya ba motoka bakalamba na fyonse, ukweshwa ukufumako. Bena tabaishibe icacitike. Kabili Ena alandile no kusosa icali no kucitika panumafye palya pene.

<sup>31</sup> Naikeleko pali ili libwe limo palya, palya pene Amonekele, Nali na—na cibusa uwali pamo nefwe, uwafumine ukutentemuka ukufuma pamuulu mu Minnesota. Abantu bakwe bali pano muno lucelo kabili Nshili uwashininkisha lelo ena limbi aali mu ncende shimbi. Cena cali ni Donavon Weerts, kabili umulumendo umusuma, uwamu Lutheran uyo uwa cipela umweo wakwe nombaline kuli Kristu kabili nokwisushiwamo no Mupashi. Umulumendo umu German uwaicefya nganshi, uwa myaka yakufyalwa ukufika pa makumi yatatu, ulupwa, lwa bana abanono babiili nangu batatu. Akukiile ukwisa mu Tucson ukwisa bafye umwina mupalamano pamo na ine, apo nabali imyanda itatu nangu iine bakukile ukwisaba abena mupalamano. Eico ena . . .

<sup>32</sup> Kabili Ndi uwansansa ukukwata abena mupalamano ababa ngefyo. Balankonka ine munshila yonse ukuya ku South Africa, nakonsefye ukushinguluka, ukuba fye mupepi kabili nokumona ukuti . . . pamo naine, ukuba pamo naine no kulasangalala mu fisuma ifyakwa Shikulu.

Umuntu uwaicefya ngefyo, Nshatalile mu monapo apakalamba nganshi.

<sup>33</sup> Icine cine, abantu abo Naishiba kabili nokuba pamo nabo babafye kwati niba munyinane bandi, inkashi shandi. Nda bamona, kabili nga Naumfwa ukuti bafuma mu nshila, ndaba bula ukubabika pambali nokulanda pamo nabo, pantu Nali batemwa. Tulefwaya tukekale capamo mu Bukata. Kabili inshita shimo limbi, mu ma mitingi, imwe kuti mwatontokanya ukuti Ndabalandila amashiwi ayabi. Ifyo tefyo caba. Ico tacaba icakutiila Nshabatemwa, lelo cena cifuma mu mutima wandi, pantu Ine—Ine . . . Cena cifwile ukubafye inshila imo. Kwabafye inshila imo iya kubombela Lesa, neyo yaba . . . Kabili tufwile ukwikala mu nshila Yakwe, temulandu nefyo amatontokanyo yesu yengaba. Nimunshila fye yakwe!

<sup>34</sup> Kabili Namwene Donavon, pampela yakutwi kwa kukulyo kwakwe, kwalifimbile limbi imiku itatu ukucila pafyo kwaba,

kabili kwalemoneka ukwa kashikisha nganshi. Ukuba, nomba kutontonkanya ukuti limbi nifi aali muciswebebe panshiku ishinono, kulya eko twali, ukutila limbi icimuti ca myunga camulashile ku kutwi kwakwe. Lelo, mukwikatilila ukuboko kwakwe, Nasangile ukuti cena caali lipwa londa. Eico Natiile kuli Donavon, Natiile, “Donavon, bushe iwe. . . Nipanshita nshi waikala neco cintu ku kutwi kobe?” Icamusango fye wakumufumya kuli ico, kwati Nshishibe. Natiile, “Ninshita nshi ico caba pali iwe, Donavon?”

Atiile, “Munyina Branham, pa mwenshi mutanda,” atiile.

Natiile, “Mulandu nshi tawa landila ico kuli ine?”

<sup>35</sup> Atiile, “Oh, mulaba aba pamfiwa nganshi,” atiile, “Nshalefwaya uku—ukucita ico.” Atiile, “Natontonkenyefye ukuti limbi inshita imo Shikulu kuti amweba.”

Eico Natiile, “Bushe nawishiba ifyo ico cili?”

Atiile, “Ninkwatapo ubwishibilo busuma.”

Natiile, “Ico nacilungama.”

<sup>36</sup> Kabili mulucelo lwa lenga bubili, tacaalipo nakabili, ilyo naikete umulumendo pa kuboko, mulucelo lwalenga bibili, tapali nangu ica kukalipa ku kutwi kwakwe. Cena conse califuminepo mukupwililika.

<sup>37</sup> Imiku iingi nganshi tulapamfiwa, ukwasha ukucita *ici, cilya*. Nangu. . . Mwamona, cena caba, “Ifi ifishibilo fikakonka abacetekela.” Cena tacalanda ukutiila “nga cakutiila bena bapepelako abalwele.” “Nga cakuti babika amaboko pa balwele, bena baali nokupola!” Tufwile twakwata ici cetekelo, palwesu, mucu tulecita. Nacilungama.

<sup>38</sup> Eico nomba Donavon limbi aali pano. Mule mukumanya. Aleba pano, nga cakuti tali pano muno lucelo, pa ncende shimbi. Mule mukumanya, kabili aleishiba ubunte.

<sup>39</sup> Kabili fimbi finshi ifyo ni Ngalande? Nincetekela Luka, nangu Yohane, umo, atiile isonde tekuti li- . . . likatilile, ifyo efyalembwa muma buuku pafyo Acita pakati ka bantu muli ishi nshiku shakulekelesha; ifyo abalwele baundapwa, bacakolwa baikatililwa balubulwa, mu makana yabo, kabili no musango onse uwamalwele nefya kukalipwa.

<sup>40</sup> Nomba, imwe uko kunse pa mulabasa, pamo pene napano, Ninjikata pano ifyakwipusha mu mapepo ifingi ifiswile mu maboko ifyo ifituminwe pali lamya muno lucelo, batuma ukutwalilila ukufuma apo twaishila pano. Kabili eico ifwe. . . Umwanda umo na makumi pabuula na mutanda ifya kwipusha mumapepo efituminwe muno lucelo, pali lamya, ukutuula fye apo tubelele pano. Eico natwampane bonse mu mapepo cila umo. . . Konse kuntu muli, kunse kulya mucalo, bikeni amaboko yenu pali umo nomunankwe, nga cakuti imwe mwalicetekela.



Nga tamwaba, bikeni ukuboko kwenu pali Baibele nangu icintu cimo apo muli, ilyo tulepepa pano noko kumbi.

<sup>41</sup> Mwebatemwikwa Taata wamu Myuulu, ubunte ubunono ubwaka Donavon Weerts, nibumo fye pa makana, Shikulu, ubo Imwe muku senamina . . . Napepa ukuti Mwala lolesha mukati ka mitima yabantu ponse pabiili pano napaba leumfwa pa mulabasa. Kabili lekeni bena, cila umo, ondapwe. Lekeni umubifi afume muli bena, kabili lekeni balubulwe ukufuma kufya kucula fyabo. Fikilisheni ico, Taata. Mwi Shina lyakwa Yesu Kristu, Umwana Wenu, twaipusha ico. Ameni.

Twa Mitotelae, Shikulu . . . [Paali tepu tapaali amashiwi—Kale.]

[Munyina Branham apwisha ukusabankanya kwa cibiili pa cilimba—Kale.]

☆☆☆☆☆☆

<sup>42</sup> Ukuba, uyu muku walenga butatu kuli ine ukuba pano muno lucelo. Owe! Kabili, imwe namwishiba, elyo cacilanda ukuti tufwile twafuma muli cino cikulwa muma mineti napamo ikumi na yabiili, ikumi na yaane, nangu icintu cimo. Kabili abatungulula batiile, abo abali mu ncende imbi mulya, abantu tabapekanye ifyakulya ifili fyonse. Ifyakulya fyesu filaposa inshita itali nganshi. Natukata ifyalenga ifingi, imwe namwishiba. Eico tuli abansansa ishingi nganshi, nganshi ukutiila twali kwata uku ukukalamba ukwa bu mupashi, ukusefya kwa fyakulya fisuma, ngefyo Ningeta ico, muno lucelo pano neli bumba lya bantu abasuma.

<sup>43</sup> Ndefwaya uku—ukulanda ukuti tuli no . . . ukulongana nakabili, mailo mu cungulo, palya pa Embassy. Nomba, tukala pepelako abalwele palya, nokwenekela ukuti Lesa akaba pamo naifwe. Kabili Ninjisa ukwisa bikamo ulubali landi, ubupyungishi bwandi, mu kupanga (conse ico twinga cita) muli uno musonkano ukuti yabomba bwino. Tekuba iyabomba bwino pantu mu misonkano yesu, lelo ukuba iyabomba bwino pa bantu ukusanga Yesu Kristu. Uko ekubomba bwino. Imisokano ili yonse, te mulandu nefyo twinga lumbanya Lesa, fintu finga ifikalamba ifyo twamona Ena acita, miku inga Alanda kuli ifwe mu Mupashi, nefyaba ngefyo; kano kwaba icintu cimo ica pwililika, imweo imo ukuletwa mu Bufumu!

<sup>44</sup> Kabili Munyina Shakarian nomba elyo a—acilanda ukulanda ukutuntulu nomba line fye pafyo ena atontonkenye palwa ishi nshiku isho tule—tule ikalilamo. Icine cine nalicetekela ico no mutima wandi onse, ukutiila tuleikala fye pa mpela ya nshita, muli fye—mufinshingwa fye mu cungulo kasuba. Akasuba ninshi kalewa. Kabili lintu twamona ifintu filecitika mu nshila filecitikilamo ileelo, mulandu nshi, cena cintu icakosa ukulanda ifyo inkulo imbi ili no kuleta. Inshiku ishinono ishapatapo . . .

<sup>45</sup> Leken i fye myebe panono palwa cintu cimo ukuyako panono mukati. Bapitulwikemo monse mu Arizona, umo Njikala, pama sukuulu yonse. Bapele abana, ukwabula ukubebukisha, ukweshiwa kwa matontonkanyo. Kabili tunganyeni cinshi? Ukubikako na masukuulu yakalamba kabili—kabili nama sukuulu yakubalilapo, kwali eite percenti uwa bna abalelwala noku cepelwa kwa matontonkanyo. Sebente percenti pali abo baali bantu batamba pa citunshi-tunshi. Mwamona, ifibi, fyena fiisa pali ifwe ukwabula ukwishiba. . . Imwe kuti mwasunguka umulandu fyena fishila. Iwe kuti waumfwa i Shiwi lyakwa Lesa lilebilikisha pamaka ukukanya ico, kabili cibe pano ifwe—ifwe twasangwa pa lwesu natwikatwa muli ico.

<sup>46</sup> Leken i mupeleko icintu cimo ica kusungusha. Mwamona, “Te bonse abo abatiila kuli Ine, ‘Shikulu, Shikulu,’ abakengilamo; lelo ni uyo uucita ubufwayo bwakwa Taata Wandi.” Ubufwayo bwakwe e Cebo Cakwe. Ifwe kuti twaba bakapepa nganishi, ukukwata inshita ishikalamba, ukupunda, ukutoloka, muli iya misonkano, ico tuli. . . Nshilefwaya—Nshilefwaya ukuba uwakusuusha. Lelo Ninkwata u—umulimo uwakucita kuli Lesa, noyo mulimo kuba uwacishinka nokulanda ico Alefwaya ine ukulanda. Kabili Ndi—Ndi icine cine uwatotela kuli chapitala yaba California abo ababikile muli ine mu—mu kushininwa kwandi. Ngacakuti Ine nshilelanda uku shininwa kwandi, Ndi myalu myalu kabili nombamba Nshili no wa cishinka na imwe. Kabili nga Nshili uwacishinka kuli imwe kuti Naba shani uwacishinka na Lesa? pantu Ndamimona kabili no kulanda naimwe. Pantu, tulacita, kuli Lesa, pamo, lelo tufwile ukuba icine cine aba cishinka kabili abacine kuli umo no munankwe. Ifwe icine cine tuli munkulo iya—iyabipisha, inkulo yabipisha. Kabili mwalitala amwiminina. . .

<sup>47</sup> Leken ifye imipeleko ica kupitulukamo fye icinono. “Te bonse abatiila kuli Ine, ‘Shikulu, Shikulu,’ abakengilamo; lelo ni uyo umo uucita ubufwayo bakwa Taata Wandi.” Yesu atiile, pe sonde, “Umuntu takekalile ku mukate weka, kano ku Cebo conse.” i Cebo Conse! Te nombafye kabili nombamba, i Cebo, lelo ku Cebo conse.

<sup>48</sup> Cena cali Cebo cimo i cisha cetekelwe, icakwa Lesa. . . icamafunde yakwa Lesa, icalengele imfwa, ubulanda, namalwele yonse no kukalipwa kwa mutima, ku kupusa i Cebo cakwa Lesa, i Cebo cimo! Ngacakutilla ena atwele umutundu wa muntu mumfwa, ku kupusa, uku kana cetekela i Cebo cimo, “icine cine,” icine cine. Lelo Ena atiile cili noku citika. Satana atiile, “Cine cine tacili noku citika.” Lelo calicitike.

<sup>49</sup> Eico, tufwile ukusunga i Cebo conse icakwa Lesa. Kabili ngacakutilla umuntunse nakonse uku kucula ne fintu ifyo ifya citike pa mutundu wa muntunse, kukana umfwikisha, nangu—nangu uku kana cetekela i Cebo cimo, kuti twabwelelamo shani

nga twapusa Cimo, ngacakutula cena calipilwe umutengo uyu onse, nangufye umweo wa Mwana Wakwe?

... *bengi ba itwa*, ... *banono basalwa*.

... *bengi ba itwa*, ... *banono basalwa*.

<sup>50</sup> Tekuti mfumyepo isambilisho pali ici, lelo, pantu tatukwete inshita, lelo kushafye icintu cimo naimwe.

<sup>51</sup> Natu tontonkanye palwa...Naile ubushiku bumo na Munyina Shakarian, uko balesakanya ing'ombe. Kabili Namwene mu—mu...mukati ka laboratory umo Munyina Shakarian antwele. Kabili baingishemo munsande nsande sha ng'ombe iilume, utunono fye...kwati kela akanono, akamuti ka macisa, no kubula umwiina wansande nsande, nokubika pesamba lya ili ikalashi ilyo ilya kushishe isho imiku imyanda. Kabili mwali utubulungwa twa mweo utwaletolauka, muli shilya insande nsande. Ico, twaishiba ukuti akabulungwa kamweo kafuma ku ilume, ne lini lifuma ku ikota. Kabili Naipwishe incheshi ya miti mulya, Natiile, “Cinshi ico cilelenga kalya akanono uku toloka nga filya?”

Ena atiile, “Uto e—uto e tulume utunono utwa ng'ombe kabili utwana.” Mwamona?

Kabili Natiile, “Muli kalya akalitoni akanono?”

Ena atiile, “Ee.”

<sup>52</sup> Natiile, “Limbi nomba mu nsande nsande ituntulu kuti mwaba milioni imo muli yena?”

Ena atiile, “Oh, ee.” Mwamona? Nomba, lolesheni mukuposako amano.

<sup>53</sup> Nomba, lintu ici icikalamba cacitika, kubafye ilini limo ililolela insande nsande imo ukufuma muli ulya milioni. Kabili takuli nangu umo uwingalanda kabulungwa nshi, nangu lini nshi. Ngacakuti kuti mwamona ukufyalwa kwaku mubili, cena caba icankama ukucilapo pa—pakufyalwa kwakwa nacicungu. Pantu, muli ishi nsande nsande, muli imo mulya iyamwenwa kalibela kukuba no mweo, kabili ishashala pali isho shili nokufwa. Kabili tekutila yakubalilapo eii kumanya; lelo nilyo ilyakubalilapo iliisa nokuba pamo nelini. Limbi ilini kuti lyaima ukufuma kunuma ya nsande nsande, nangu pakati ka nsande nsande; akabulungwa ka mweo kuti kacita cimo cine, ilini. Akabulungwa ka mweo kengila mwi lini, kabili notumicila utunono tulafumako, kabili palya epatampila umungololo. Kubafye limo muli ulya umwina, wa milioni, iyo iili nokufika, imofye; kabili ico cicitwa na Maka yamo aya shaishibikwa, ku muntu. Cibe imwe mwaba, cila umo, abapalana, cila kamo muli tulya tubulungwa utwabafye utwapalana. Icintu cine namu nama. Icintu cine namu muntu. Cena ecicita limbi kuti aba umulumendo, umukashana, uwakashika umushishi ku mutwe, uwafita umushishi kumutwe, nangu cinshi. Cena cicitwa na

Lesa. Tonse tumoneka cimocine, mu bubumbo, lelo mwaba umu uwa lashikilwa ku mweo; umu muli milioni, cibe bonse bamoneka cimocine.

<sup>54</sup> Lintu Israeli afumine mu Egypto, cali mupepi nama milioni yabiili aya bantu abafumine panshita imo ine. Cila umu muli bena aliumfwile imbila yakwa kasesema. Cila umu pakati kabo amwene i Ntumba ya Mulilo. Cila umu pakati kabo abatishiwe na Mose, muli Bemba wa Kashika. Cila umu pakati kabo apundiile mu—mu Mupashi, ukulisha ifisekeseke no kubutauka uku noku palulamba lwa bempa, pamo na Mirriam, lintu Mose aimbile mu Mupashi. Bena, cila umu, banwine ukufuma ku Cilibwe cimo cine ica mupashi. Bena, cila umu, baliile Mana umupya cila bushiku. Cila umu pali bena! Lelo kwali babili abafikile mucalo, umu ukufuma muli milioni imo.

<sup>55</sup> Cinshi caali icakweshwa? Bonse banwine ku Cilibwe cimo cine, bonse baliile Mana umu wine wa ku mupashi nga fintu ifwe tulelya muno lucelo, lelo i Cebo cakweshwa caba shininkishe. Lintu caishile fika pa nshita ya Kadeshe—barnea, lintu batampile ukuya mu calo ca bulayo, kabili taba abwike mpaka baeshiwa ne Cebo. Kabili balya bonse ba—balya ikumi bambi babwelele, no kutiila, “Teti twingile! Abantu baba kwati. . . Ifwe twaba kati tuli fipaso, kuli bena, umusumba wabo wa cibumba cikalamba. Aba kulwisha nabakulisha nganshi.”

<sup>56</sup> Lelo Yoshua na Kalebu batalalike abantu. Batiile, “Ifwe natucilapo mukucita ico!” Mulandi nshi? Lesa atiile, ilyo tabalati baye, ku calo ca bulayo, “Ine nimpeela icalo. Nincipeela kuli imwe. Cena cenu.” Lelo kwali umu ukufuma muli cila milioni.

<sup>57</sup> Kwali mupepi ama milioni imyanda iisano iya abo abetwa abena Kristu mwisonde ileelo, kabili cila ubushiku bupwisha inkulo imo. Kabili nomba, nga ngacakutula u Kusumbulwa kwaisa ileelo na bantu imyanda isano, isonde lyonse, ebenga sendwa mu Kusumbulwa? Imwe tekuti mubale mwishibe nangu fye ukumona mwipepala, palwa bena ukuya. Kabili no Kwiisa kwakwa Shikulu Kwiisa kwa munkama. Ena akesa no kwisa fyusha ukuya. Cena cikabafye abanono nganshi, mpaka . . .

<sup>58</sup> Ngafintu fye cali munshiku lintu abasambi baipwishe Yesu, “Cinshi ba Kalemba balandila ukuti—ukuti Eliya afwile abalilapo ukwisa?”

Ena atiile, “Aliisa akale, nomba imwe tamwa mwishiba.”

<sup>59</sup> Bushe mwali tala amu tontonkanya paco abantu bacitile? Bena batwalililepofye ukucetekela ukuti Mo- . . . ukuti Mo- . . . ukuti Eliya ali no kwisa. Kabili alifye pakati kabo, kabili bena tabaishibe ico.

<sup>60</sup> Eico ifyo fine eflyo cili nokuba pa kwiisa kwa Mwana wa muntu! Bena bakacita Nankwe icintu fye cimo cine. U Mupashi wakwa Lesa uli pano. Ukuba, cinshi ico tuli no kucita Na wena?

Bushe tuli noku lalya Manna nefyaba ngefyo, kabili nokukana latwalililapo ukwenda ilyo tulekula?

<sup>61</sup> Bushe mwalitala amumona ulubuto, ngafintu Shimapepo Pitts acilalanda inshita inono iyapitapo, kabili nefyo ulubuto luya mu mushili? Imbutu ishing'i shaba mulya mu mushili. Lintu Lesa aendele pa menshi, no Lubuuto, no Lubuuto lwa letele, Ukubapo ukwakubalilapo ukwakwa Lesa, Ulubuuto lwasoswa lwa ishile ne Cebo cakwa Lesa. Kabili i Cebo cakwa Lesa e cintufye cimo ico icileta u Lubuuto. Kabili lintu amenshi yabwelelemo, ulubuto lwali kale mu mushili, kabili u Lubuuto lwaletefye imbuto isho ishali no tubulungwa twa mweo muli shena, shaisha moneka. Lesa ukupanga ubu bumbo Bwakwe.

<sup>62</sup> Kabili nomba, mulucelo lwape Pasaka kwaliko u Lubuuto lumbi ulwapumine pe sonde, lintu Mupashi wa Mushilo apelwe. Kabili Ena apelwe ukuleta u Lubuuto kuli isho Mbuto isho Lesa, ukupitila mukwishibila kalibela Kwakwe, aishibe ukuti ico caali nokuba pano pe sonde. Ngafintu Ena aishibe ulubuto lwa cifyalilwa ulwa kubalilapo, Alishiba apaba u Lubuto lwa mupashi. Umubili obe wali pano pene pe sonde, lintu Lesa mukubalilapo aletele isonde mukubapo. Ifwe twaba ulubali lwe sonde. Twali mulya mwine mu mushili. Kabili ukupitila mukwishibila kabela Kwakwe Alishibe bwino bwino uyo uwali noku Mutemwa kabili noyo uwali noku Mubombela, noyo uushali noku mubombela. Ukwishibila kabela Kwakwe kulanda ukuti. Ngacakuti tacitile ifyo, nomba ninshi tali Lesa. Ena teti abe Lesa ukwabula ukuba uusangwa konse konse. Kabili ngacakuti Ena asangwa konse konse, Alishiba ifintu fyonse.

<sup>63</sup> Eico, mulemona abantu balepanga ifilubo. Bala ipununa pali ico. Bala pita pali cena, kabili batontonkanya *ici* na *cilya*, lelo ico tacibomba muku lungama, tula cimona ico. Lelo kwaliba insambu sha kubombelamo, ico kufwaya ubufwayo bwakwa Lesa ubwapwililika no kwiminina muli bwena, ico eco cintu Lesa akwitiilepo.

<sup>64</sup> Ngafintu Munyina Jack acilanda inshita ishinono ishapitapo palwa pano pene pa—pa Pershing Square, paci mfulunganya conse. Umo muli *iyi* nshila, na umbi muli *ilya* nshila; kabili na palwa ba sambilila bafya bulesa, na fimbipo, ukuti iwe ulufwaya ukwishiba fimo ifya mapepo ya bulesa, kabiyeni kulya kwine.

<sup>65</sup> Ine ndeelenganya ico cilifye palwa ifyo cili mu Hyde Park mu London. Nali kulya, umuntu onse akwatafye amano yakwe. Cena cili—cena cili cakwisa pamo ica bushiku bwa calo ca leelo mu Babyroni.

<sup>66</sup> Lelo bushe mwaci mona ifyo—ifyo Munyina Pitts acitwalilila ne mbila yakwe iisuma muno lucelo kuli ifwe? Ilyo acitendeka ukwenda ukufuma mu lubansa lwamangalo, mulya acisanga itunda lyape Pasaka. “Mukati ka cimfulunganya conse,” ngafintu acilileta kuli ifwe, “lyena talyacikwata nenshila

umwakulandila ‘ee’ nangu ‘iyo.’ Cena caciba umweo wakwa Lesa uwacila bengeshima muli lyena, mukati ka cimfulunganya conse.” Lyena lyaciba palya muku bengeshima kwaliko, pantu Lesa ewali lashike lyena ukuba palya. Pakati ka bulwi bonse, tapaciba nangu umo uwacila mona ico. Bena tabacilamona ifya kucitwa ifya bumupashi.

<sup>67</sup> Kabili eico ifyo efyo cili ne leelo pakati kakulongana ukukalamba kwesu namabumba, nama chalichi nefilonganano, nafimbipo. Umo aletala muli *iyi* nshila, “Ifwe tufwile ukuba ba Baptisti, nangu ba Presbiteriani, tufwile twaba *ici*, *cilya*, nangu *icintu cimbi*.” Pakati ka ico conse, paliko uluba ili lekula. Pali a maka yakwa Lesa pano penefye pakati kesu, ayo ayaleimishiwa pano pene pakati kesu. Lekenifye twiminine no kutamba ico, pama mineti ayanono, kabili mukamone ico muli uno mulungu, no kumona cena uku langishiwa pano pene kucinso cesu. Natu cetekela Lesa ali noku cicita ico. Tamu cetekele ifyo? [Ulukuta lwatiila, “Ameni.”—Kale.]

<sup>68</sup> Ndemoni ukuti tufwile ukwikila pesamba lyama stepu nombamba. Eico natupepe, cila umo pakati kesu.

<sup>69</sup> Mwebatemwikwa Lesa, lintu twakontamika imitwe yesu mu Kubapopo Kwenu, ifwe tuleumfwa ukutila tatulingile nokwipusha. Lelo Imwe mwa tulaya ukuti, ngacakuti twaisa, Ifwe tekuti mu tulenge insoni. Kabili uku ukulanda ukwafilumba ukwacitwafye nombamba, ukutila munshila yonse tacifwile caba isambilisho, “umo ukufuma muli milioni,” lelo ukubafye umusango wa kwibukisha. Pantu Imwe mwatila:

. . . *ya kamfyemfye impongolo, kabili ninshila iyi nono,*  
*i itungulula ku mweo, kabili banono abali nokubamo*  
*abali noku isanga.*

*Pantu abengi balitwa, lelo banono abasalwa.*

<sup>70</sup> O Taata wa Muyayaya, tumeni u Lubuuto lwa Mbila nsuma ukuya muli uno musumba, ukupita mu mulungu uno uwa musonkano. Kabili ngacakuti mwabamo u Lubuto ululi lonse, mu musango ukupitila mu Yenu Ayakalamba, amano ayatantika, kwati ukweshia ukulangisha ico mu nsande nsande sha ilume namu ikota, lekeni bengile mu musonkano. Lekeni u Mupashi wa Mushilo ubapeele u Lubuuto. Twailuka ukuti inshita limbi naipwa ukucila nefyo tutontonkanya ukuti efyo iili. Twapepa, mwe Lesa, ukutiila nga fintu twaisa pano, ukucetekelafye ukuti limbi palipo icintu cimo pano ico icingacitwa ukwafwilisha abantu, nangu—nangu ukwikata ilya mpaanga yakushalikisha. Natwishiba, lintu ichiinka lya mpaanga lya isuula, nombamba elyo Kacema esala umwinshi.

<sup>71</sup> Ngafintu caali mu nshiku shakwa Noa, lintu membala wakulekelesha aletelwe mukati, Lesa aisele icibi. Kabili baumawile no kututaula, lelo ninshi inshita naipwa. Mwebatemwikwa Lesa, balikwete inshita.

Imwe mwatiile, “Nine ulya Mwinshi we chinka lya mpaanga.”

<sup>72</sup> Kabili ifyo ulwimbo lwakwa kalemba wa mishikakulo ifyo lwa citubimbula imitima, “Bushe amakumi pabuula napabula tayali ayalinga kuli Imwe? Lelo, iyo, kuliko umo uwashalako.” Ena limbi kuti aba ni mpaanga inono iyafita, nangu ena limbi kuti aba uwabula umwine, limbi kuti aba umunono umwanakashi nangu umwaume. Tatwishibe uko baali, lelo ulya umo uwakulekelesha afwile aisa ingila kabili nomba no kwisalako ku chiibi. O mwe Lesa, Mwebaishiba ifintu fyonse, bebeteni imyeo yesu muno lucelo. Kabili tutumeni konse uko ifwe twingaya, ukuti twingasanga ulya umo uwa kulekelesha, ukuti ichiibi cingesalwa kabili na Kacema ukuba mukati pamo ne mpaanga. Fikilisheni ico, Shikulu. Ngacakuti kuti kwabako uyo umo pano ileelo, ngacakuti ulya umo uyo ufwile ukwingila mukati . . .

<sup>73</sup> “Bonse abo Taata Ampela baali nokwisa kuli Ine. Kabili takuli umuntu uwingesa, kano Taata Wandi na mukula ena ukwisa.”

<sup>74</sup> Kabili ngacakuti kwaba ukutinta kwakwa ng’ufyanya, nangu imyumfwile inono, ukutiila ino ifwile yaba inshita ya muntu umo pano muli ili bumba, pano nangu ukwikala panshi, nangu konse uko baali, lekeni basuke, “Ee, Shikulu, Nine ulya umunono umo uwendauka uwafuma ukuya; kabili uulwisha Ico ukufumapo, mu mweo wandi onse. Na—Na—Nacumfwa ukuti Mfwile naisa, lelo ileelo Nde seleta ku lubali lwaku ci mfwiwa. Ndafilwa ukuyako pa muulu nangu panshi. Ndafilwa ukuya mu nshila iili yonse.” Oh, lekeni Kacema mukalamba ese, afike pano na maboko ayanakilila no kuleta ulya umo uwacingililwa mukati, cibikeni pa mabeya Yakwe kabili ena abwele uwacingililwa.

<sup>75</sup> Limbi pali umo pano, Shikulu, uyo uulwele, mu mibele imo ine, icakuti na dokota atiile, “Tapali nangu cimo ico engacita.” Alyeseshe na maka ukumupususha, lelo alifililwe ukumupususha kuli ico. Cena calicilapo pafyo aishiba. Tapali—tapali nangu cimo eco engacita. Umuti wakwe nangu umwele wakwe tekuti fifikepo pali cena. Lelo, O Shikulu, tapali nangu cimo icintu icaba apatali kukuboko Kwenu ukukalamba, kabili i Cebo Cenu ekuboko Kwenu. Eico twapepa, Lesa Mwebatemwikwa, ukuti, muno lucelo, ilyo tulelanda kuli Imwe, ukuti ubufwayo Bwenu bufike nokwimya ulya umo umulwele kabili uushinga yafwa palwakwe, ukufuma palya pamibombele ya scienci, ukufuma kuli dokota, lekeni bondapwe. Fikilisheni ico, Shikulu.

<sup>76</sup> Ilyo tule tontonkanya pali Davidi, ngafintu apelwe umulimo wakukumba mpaanga ishinono, ishinono fye. Lelo ubushiku bumu cibuli aishilemo no kwikata ilya mpaanga imo iinono no

ku i fumisha kunse, kabili ngacali liile yonse (kwati ngafilya ipwalonda lilya umubili onse), nangu inkalamo iikalamba. Lelo Davidi, uushaipangeshe bwino ne—ne mfuti, nangu, uushali mushilika wa lupanga, lelo fye ne lekeni, akonkele ilya impaanga. Kabili lintu asangile i—icinama ico icalifye mupepi no kwipaya ilya impaanga iinono, aliipeye ne lekeni. Aka ansofye akanono akafye na kapimfya ka mukupo ne ntambo, kabili, lelo ena ali ne cicetekelo muli kena.

<sup>77</sup> Ifwe tatwakwata aba mano yacipesha mano pakati kesu, Shikulu. Tuli bantu bayawe yawefye ne pepo ilinono ilishafikapo, lelo twaisa muno lucelo uku konka i mpaanga yakwa Taata. Ulya mwanakashi wale endauka mu misebo, uwapelelwa, uwale peepa fwaka, ukwasha ukusanga umutende ukupitila muli fwaka; ulya muntu uununsha pe galasi nokwasha ukuleka, lelo umulwani ali mwikatilila nganshi; ulya umulumendo nangu umukashana uwaesha ukucita icalungama, uyo uusha sanga amaka aya kufumako ku cintu icalubana; twaisa mwi Shina lyakwa Shikulu Yesu, ukupokolola ilya mpaanga muno lucelo. Twa kanya umulwani; pantu cintu ica anguka, ilekeni, ne pepo, lelo twaisa muku bwesha ulya umo mwi cinka lyakwa Taata, pantu kuti twalubulwila pa fintu ifyo twacita na maboko yesu. Lekeni nomba amaka yakwa Lesa yome pa cicetekelo, mukati ka mitima ya bantu, kabili lekeni uyo mweo wa luba ubwele muno lucelo. Lekeni amesho ya uyu mweo ya mulekeleko, uku mulubula. Kabili lekeni asange umwine palwakwe uwacingililwa pa mabeya yakwa Shikulu, uku twalwa ku bucingo nakabili. Twalomba ici mwi Shina lyakwa Yesu. Amenii.

<sup>78</sup> Lesa amipale bonse. Mpaka Nka mumone mailo, Nabwesha ukulongana kuli Munyina Shakarian. [Tapali amashiwi pali tepu—Kale.]

[Munyina Branham apwisha icipandwa ca butatu—Kale.]

☆☆☆☆☆☆

<sup>79</sup> Ici, Ine—Ine ninsubila ukuti imwe mwala...ukuti Ine ninsanga ukusenamina ukwacilapo mu cinso cakwa Lesa na kuli imwe, ukucetekela ukuti Ine kuti naiminina kuno uku mweba icintu cimo icili icilubo. Ine nimpita pa bushiku bwakufyalwa kwandi ubwalenga amakumi yasano na mutanda, ubushiku bwafumineko. Iyi tailifye i Mbila ya muntu umukalamba. Ine nacetekela iyi ukutulafye panshita Nali umulumendo. Kabili ngacakuti ici te cishinka, Ine naba umuntu umupumbu nganshi untu Lesa akwata pano isonde. Nalipela umweo wandi onse kuli uyu Mulimo. Kabili lekeni Nande ici ne cishinka: ngacakuti Nakwete imyeo amakana ikumi, tekuti Ncinje amatontonkanyo yandi.

<sup>80</sup> Nomba, ubundapishi bwaaba mupepi no muntu onse. Ibukisheni, ubundapishi bwaaba muli imwe. Lesa abikile



mucimuti cama peanchesi ne peachi lyonse ilinga mena ku cimuti, lintu Ena alibyele mi Ibala. Mwamona, imwe fye... icimuti cama peach nangu icimuti cama apple, nangu icimuti ca fisabo, cifwilefye ukukula, ku kunwa amenshi ukufuma mu mushili. Nomba cila umo pali imwe alikwata aya maka muli imwe, aya kumipususha, pantu ni Lesa, ukutulafye apo mwa limbilwa muli Kristu ukupitila mulubatisho (te lubatisho lwamu menshi), lelo lubatisho lwa mupashi. Tamwisa muli Kristu ukupitila mulubatisho lwamu menshi. Lelo kupitila mulubatisho lwamu mupashi!

<sup>81</sup> Mailo mucungulo, Shikulu nga atemwa, Nkala landa pali ico, *mumusango* ne *fyo* Cena cibomfeshiwa. Tuka kwata ico mucungulo eico cena tacaka cilinganye mukulongana kwenu konse.

<sup>82</sup> Nomba lolesheni, cila umo pali imwe pano eminine ngowa cetekela, mwamona, nomba ninshi u Mweo uwali muli Kristu uli muli imwe. Kuti wacita, ngacakuti imwe kuti mwacimona ico!

<sup>83</sup> Wena mulimo wakwa ciwa uku mucilikila ukufuma kuli Ico, ukumisunga abapofula. Ena kuti amuleka imwe ukuba abapofula, ekuti, mwamona, imwe tamwishibe nokomuleya nomba. Umuntu impofu teti alande uko aleya, ena afwile afwaya ukukululuka ukufuma ku muntu uulemona. Mpaka ifwe twakutuluka, umuntu umo afwile atweba ico icili i Cishinka.

<sup>84</sup> Kabili Kristu afwilile imwe, kabili imwe mwali limbulwa ukufuma mwisonde ukuya muli Kristu. Kabili na fyonse ifyo mukabila fyabafye muli imwe bene, ukupitila mulubatisho lwa Mupashi wa Mushilo. Bushe ico tacilungeme? Nomba icintufye cimo ico mufwilefye ukucita kutampa ukunwa kuli Ico.

<sup>85</sup> Kabili ngafintu icimuti cinwa, citampa ukufumya amabula yaciko, cila balula, cilafumya nefisabo fyaciko cila mwaka. Icisabo cakubalilapo tacaba mu mushili; icisabo caba mu cimuti. Nibanga abakutuluka ico, tileni “ameni.” [Ulukuta lwatila, “Ameni.”—Kale.] Eico, mwamona, icisabo caba mu cimuti, ne cimuti conse cifwile ukunwa ukufuma ku kafukauka ka ciko. Nalintu imfula yaisa, ipela icimuti, ubumi, ukunwa ukufuma kuli yena. Kabili, lintu cilenwa, cena cilakula.

<sup>86</sup> Kabili cena cilakula ukuya pamuulu mpaka cafika kukutumba ukwapwililika, kwatifye fintu i Chalichi cicita, mukutumba ukufumya amaluba muli ino nkulo.

<sup>87</sup> Kabili, ngafintu tunwa, tula kula. Lelo ngacakuti icimuti cakana ukunwa, nomba ninshi icimuti tekuti cikule. Kabili ngacakuti iwe wa cicetekelafye ico nomba, cila muntu!

<sup>88</sup> Pantu, mwalishiba ifyo Shikulu acita, alangisha ifintu ifya lekana lekana, pafyo wacita ne fyo ta wali nokucita, na fimbipo, mumusonkano. Twacila cetekela ukuti Mupashi wa Mushilo aciba nokuponena pali ifwe muno lucelo no kucite ifyo, ngafintu twacimininako. Lelo Naci twalililapofye ukulolela.

<sup>89</sup> Ndetontonkanya ku sakamana, ukutontonkanya ukuti pesamba balefwaya tufume pano, mwamona. Lelo bena balefwaya ifwe; ifwe natucelwa nomba.

<sup>90</sup> Lelo cetekeleni ici, ne mitima yenu yonse. Namulomba citeni ico. Ngacakuti Ine—ngacakuti Ine ninsanga ububile ku cinso cenu, ngo muntu wa cishinka, cetekeleni ici. Nomba bikeni amaboko pali—pali umo no munankwe.

<sup>91</sup> Nomba moneni, nomba, Baibele tayatiila, “Ifi fishibilo fika konka William Branham.” Tayatiile, “Fikakonka Oral Roberts fye eka.” Tayatiila fikakonka “Munyina Kopp” nangu “umuntu umo.”

<sup>92</sup> “Ifi fishibilo fikakonka abo,” mubwingi, “aba cetekela. Ngacakuti babika amaboko yabo pa balwele, nabo bakondapwa.” Ni yalya amaka yakwa Lesa ayali muli imwe, ayaleta Umweo ku muntu mubikilepo ukuboko kwenu, intulo ya upela- u Mweo wa Mupashi wa Mushilo.

<sup>93</sup> Mwebatemwikwa Lesa, mwi Shina lyakwa Yesu Kristu, muli ino nshita ya kakata ilyo i chalichi...lekeni beminine pali aka kashita kanono, ukwabula umwenso, kabili lekeni a Maka aya imishe Kristu ukufuma ku nshinshi, yapele kuli bena nomba i Cishinka ca Mbilansuma, cakuti ukulashika kwakwa Yesu kwali, nga cakuti bena “babika amaboko pa balwele, nabo bakondapwa.” Lekeni amaka ya ngulu iili yonse, ubulwele bonse, akashishi kabulwele konse, ukupakaswa konse, icintu conse iakulungulusha ico icacitika pa bantu, lekeni cena cifumepo nombaline ukupitila muku cetekela. Nga bantu abacetekela, ifwe twaipusha ico mwi Shina lyakwa Yesu Kristu. Ameni.

<sup>94</sup> Nomba imyeni amaboko yenu no Kumupela amalumbo, ngacakuti mwacetekela ico Alacita ico.

<sup>95</sup> Lesa Mwebatemwikwa, uyu mwana alafwa, Shikulu, kano ici cacitwe. Ine nasuusha ici cifundo, mwi Shina lyakwa Yesu Kristu. Lekeni cena cifume cishe umwana wa kaele. Ameni.

Nomba, ba dokota balyesha, kabili balifilwa. Cetekelafye.



*UMO MULI MILLIONI IMO* BEM65-0424  
(One In A Million)

Iyi Mbila na Munyina William Marrion Branham yaletelwe intendekelo mu Cingeleshi pa Cibelushi ulucelo, Shinde 24, 1965, ku mwikulo waba Full Gospel Business Men's Fellowship International pa Clifton's Cafeteria mu Los Angeles, California, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)